

ԽԱԶԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ  
ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

ՀԵՏԱԶՈՏԱԿԱՆ ԱՇԽԱՏԱՆՔ

Ալգորիթմական մտածողության զարգացումը  
«Թվային գրագիտություն և համակարգչային  
գրագիտություն» առարկայի ուսուցման շրջանակում

Վերապատրաստվող՝ Ա. Պետրոսյան

Ղեկավար՝ մ.գ.թ., դոցենտ Ա. Թադևոսյան

Երևան 2023 թ.

# ԲՈՎԱՆԴԱԿՈՒԹՅՈՒՆ

Ներածություն.....	3-4
Գլուխ 1. Ալգորիթմական մտածողության զարգացումը «Թվային գրագիտություն և համակարգչային գրագիտություն» առարկայի ուսուցման շրջանակում.....	5-8
1.1. Ալգորիթմները մեր կյանքում.....	5-6
1.2. Ալգորիթմական մտածողության ձևավորումը .....	7
1.3. Ստեղծարարության զարգացման գործոնները.....	8
Գլուխ 2. Գործնական համատեքստ.....	9-15
2.1. Ալգորիթմներ հորինելով սովորելու մոդել.....	9-11
2.2. Դասի պլանավորում.....	11-15
Եզրակացություն.....	16-17
Գրականություն.....	18

## ՆԵՐԱԾՈՒԹՅՈՒՆ

Տեխնոլոգիական զարգացումները և ընդհանուր առմամբ աշխարհն այսօր էական ազդեցություն է ունենում հասարակության, ուստի նաև կրթության վրա: Դժվար է պատկերացնել կրթությունն առանց նոր տեխնոլոգիաների և աշակերտներին առանց համակարգիչների: Աշակերտներն այսօր լավ գիտակցում են, որ տիրապետելով համակարգչին՝ կարող են ոչ միայն լավ կրթություն ստանալ, այլ նաև հետագայում լավ աշխատանք ունենալ, կարող են օգտվել տեղեկատվական անսահման պաշարներից, աշխարհի ամենահարուստ գրադարաններից: Այսօր յուրաքանչյուր աշակերտ գիտի և շատ է սիրում համակարգիչը, խաղում է խաղեր, ինտերնետային էջերից տեղեկատվություն ստանում: Սակայն խնդիրը նրանում է, որ աշակերտը չի տեսնում այն որպես ուսումնառության գործիք:

Ժամանակակից հասարակությունը անընդհատ ապրում է տնտեսական, քաղաքական, հասարակական զարգացում: Ո՞րն է այստեղ կրթության նպատակը: Իհարկե ուսումնական նյութի յուրացումը, իսկ աշակերտինը պետք է լինի նյութը մտապահելը, վերարտադրելը, ստանդարտ խնդիրներ լուծելիս կիրառելը: Խնդիրների լուծման համար ծրագրեր մշակելու հմտություն ունենալու համար պետք է ալգորիթմական մտածելակերպի որոշակի մակարդակ: Ալգորիթմական մտածելակերպ ասելով՝ հասկանում ենք խնդիրների լուծման և նպատակառուղղված գործունեության իրականացման հետ կապված յուրահատուկ պատկերացումների, հմտությունների և ունակությունների ամբողջությունը, որն էլ կազմում է մարդու մտածողությունը:

Խնդիրների լուծման նկատմամբ ալգորիթմական մոտեցումը, խնդրի հետագա լուծումը համակարգչով իրագործելու նպատակով, պահանջում է դատողությունների հստակության և հիմնավորումների ճշգրտության մակարդակի բարձրացում և դասապրոցեսի գիտական մակարդակի բարձրացում: Շատ կարևոր է իմանալ, որ ինֆորմատիկան

ուսումնասիրելիս այդ պահանջներն առաջանում են խնդրի հետ աշակերտի փոխգործողությունից: Առավել էական է այն, որ աշակերտի կազմաձ ծրագիրը կարող է փորձարկվել համակարգչով, այն տրամաբանությամբ, որը ծրագիրն ընկալում է և իրականացնում տառացիորեն այնպես, ինչպես այն գրված է, և ոչ թէ այնպես, ինչպես նկատի է ունեցել աշակերտը: Վերոգրյալի համատեքստում կարող ենք ասել, որ թեմայի արդիականությունը կայանում է, որ աշակերտների մոտ պետք է ալգորիթմական մտածողությունը խթանել ոչ միայն դասաժամերին, այլ նաև առօրյայում:

### **Հետազոտական աշխատանքի խնդիրներն են՝**

1. իմանալ, թե ինչ է ալգորիթմը և ինչի համար է այն անհրաժեշտ,
2. հասկանալ, թե ալգորիթմներն են որոշում մարդու կյանքը թե՛ մարդն է որոշում ալգորիթմները,
3. հասկանալ, թե որտեղ են հանդիպում ալգորիթմները ընդհանրապես:

**Հետազոտական աշխատանքի նպատակն է** պարզել ինֆորմատիկայի դասընթացներում ներառված ալգորիթմներ թեմայի ազդեցությունը դպրոցականների ալգորիթմական մտածողության վրա:

# **Գլուխ 1. Ազգորիթմական մտածողության զարգացումը <<Թվային գրագիտություն և համակարգչային գրագիտություն առարկայի ուսուցման շրջանակում**

## **1.1. Ազգորիթմները առօրյա կյանքում**

Ազգորիթմներն ավելի պարզ են, քան մենք կարծում ենք: Վաղ տարիքից մեզ սովորեցնում են, թե ինչպես կատարել առօրյա առաջադրանքները: Սովորում ենք իաշվել, տեսակավորել, քայլել, կապել կոշիկները և այլն:

Յուրաքանչյուր մարդ ամեն օր բախվում է բազմաթիվ խնդիրների՝ ամենապարզից մինչև ամենադժվարը: Շատ առաջադրանքների համար կան որոշակի կանոններ (ցուցումներ, դեղատոմսեր), որոնք բացատրում են կատարողին, թե ինչպես լուծել այս խնդիրը: Մարդը կարող է նախապես ուսումնասիրել այդ կանոնները կամ ինքն իրեն ձևակերպել խնդրի լուծման գործընթացում: Որքան ճշգրիտ և հստակ նկարագրվեն խնդիրների լուծման կանոնները, այնքան մարդն ավելի արագ կյուրացնի դրանք և ավելի արդյունավետ կլինի դրանք կիրառելու հարցում: Մարդը կարող է բազմաթիվ խնդիրների լուծումը տեղափոխել տեխնիկական սարքեր՝ ավտոմատ մեքենաներ, ռոբոտներ, համակարգիչներ: Նման տեխնիկական սարքերի օգտագործումը շատ խիստ պահանջներ է դնում կանոնների նկարագրության ճշգրտության և գործողությունների հաջորդականության վերաբերյալ: Հետևաբար, մշակվում են հատուկ լեզուներ՝ տարբեր կանոնները հստակ և հնարավորին պարզ նկարագրելու համար: Սա համակարգչային գիտության խնդիրներից մեկն է: Ազգորիթմ բառը ծագում է 9-րդ դարի նշանավոր մաթեմատիկոսի անվան ուղղագրության լատինական ծևից: Մեզանից յուրաքանչյուրն ամեն օր օգտագործում է տարբեր ալգորիթմներ՝ հրահանգներ, կանոններ, բաղադրատոմսեր և այլն: Սովորաբար մենք դա անում ենք առանց մտածելու: Օրինակ՝ դուռը բանալիով բացելիս ոչ ոք չի մտածում գործողություններ կատարելու

հաջորդականության մասին: Այնուամենայնիվ, որպեսզի սովորեցնեք ինչ-որ մեկին (ասենք, կրտսեր եղբորը) բացել դուռը, դուք պետք է հստակ նշեք ինչպես գործողությունները, այնպես էլ դրանց իրականացման կարգը: Հեշտ և պարզ կլիներ ապրելը (նույնիսկ անհետաքրքիր), եթե հնարավոր լիներ մեկընդիշտ գրել, թե որ գործողությունները ինչ հաջորդականությամբ պետք է կատարել: Իրականում մենք պետք է որոշումներ կայացնենք՝ կախված իրավիճակից: Եթե անձրև է գալիս, ուրեմն մենք անձրևանոց ենք վերցնում: Եթե շոգ է, ուրեմն գնում ենք լողալու: Երբեմն լինում են ավելի բարդ իրավիճակներ, երբ անհրաժեշտ է ընտրություն կատարել: Նման դեպքերում ասում են, որ ալգորիթմը պարունակում է բարդ իրահանգ կամ ճյուղ:

Մեր առօրյա կյանքում մենք շրջապատված ենք ալգորիթմներով, ցանկացած մարդ իր գործողությունները կատարում է ըստ հերթականության՝ մտածելով, թե արդյոք նա ճիշտ է անում:

### **Ալգորիթմի օրինակներ առօրյա կյանքում**

1. Բաղադրատոմսեր
2. Թղթերի տեսակավորում
3. Ճանապարհային ազդանշաններ
4. Ավտոբուսի չվացուցակներ
5. GPS
6. Դեմքի ճանաչում
7. Google-ի որոնում
8. Ֆեյսբուք
9. Առցանց գնումներ

Ի վերջո ի՞նչ է ալգորիթմը, ինչի՞ համար և որտե՞ղ են դրանք օգտագործվում: Այս նպատակին հասնելու համար մենք պետք է ունենանք հետևյալ հարցերի լուծումը.

1. Պարզեք, թե ի՞նչ է նշանակում ալգորիթմ:
2. Որո՞նք են ալգորիթմները:

3. Ինչի՞ համար են ալգորիթմները:

4. Որտե՞ղ են գտնվում ալգորիթմները իրական կյանքում:

## 1.2. Ալգորիթմական մտածողության զարգացում

«Ինֆորմատիկա» առարկայի շրջանակներում 5-րդ դասարանի սովորողներն ուսումնասիրում են ալգորիթմի հասկացությունը, նկարագրման եղանակները, գծային, ճյուղավորվածվությունը և այլն: Ալգորիթմ մշակելու և այն իրականացնելու ունակությունը կարևոր տեղ է գրավում համակարգչային գրագիտության բնագավառում և էական նշանակություն ունի ինֆորմացիայի մշակման ու խնդիրների լուծման համար: Անհրաժեշտ է, որպեսզի աշակերտը հստակ պատկերացնի ալգորիթմներ մշակելու գործում մարդու և համակարգչի տարբերությունը: Եթե մարդն առօրյա կյանքում բազում գործեր է իրականացնում նույնիսկ չմտածելով, որ դրանց ուղղված իր բոլոր գործողություններն ալգորիթմ են ներկայացնում, ապա համակարգիչը չի կարող կատարել և ոչ մի գործողություն՝ առանց այդ գործողությունների կատարման ծրագրերն ունենալու:

Սակայն ալգորիթմներն անհրաժեշտ են նաև մեզ՝ ինչպես մեծ ծավալի ինֆորմացիա մշակելիս ու պահպանելիս, այնպես էլ բարդ խնդիրներ լուծելիս: Հետևաբար, փորձում եմ աշակերտներին «համոզել», որ անհրաժեշտ է ալգորիթմների կառուցման հմտություն ձեռք բերել՝ անկախ այն բանից, թէ այս կամ այն խնդիրների լուծման համար ինչ է կիրառվելու՝ համակարգիչ, հաշվիչ, գրիչ, մատիտ, թէ՝ այլ օժանդակ միջոցներ: Այդ միտքը հիմնավորելու համար բերում եմ կյանքից պարզ օրինակներ:

Ուսուցչի խնդիրն է սովորողին օգնել գիտակցելու սովորելու և ինքնուրույն աշխատելու անհրաժեշտությունը, նա պատասխանատվություն է կրում նյութը, ծրագիրը և սովորելու գործընթացը հետաքրքիր դարձնելու համար: Իհարկե կան ուսուցման տարբեր ոճեր, բայց ինձ համար առաջինը ուսուցման ժողովրդավարական ոճն է, երբ խմբի անդամներին ընտրության, ազատ

արտահայտվելու, առաջարկություններ անելու, որոշումներ կայացնելու հնարավորություն է ընձեռնվում: Սա է ընկած նախագծային ուսուցման հիմքում:

### **Ստեղծարարության գարգացման գործոնները**

Ժամանակակից աշխարհում՝ անընդհատ փոփոխվող տեղեկատվական դարաշրջանում, ավելի են կարևորվում չկրկնվող, նոր գաղափարները, թարմ և ստեղծագործ մտքերը և այս ամենը կրող անհատները:

Քանի որ «ստեղծարարությունը» իր արմատներն է ունենում դեռևս մանկական տարիքից, ուստի կարևոր է, որ դեռևս դպրոցահասակ տարիքից ուշադրություն դարձնել աշակերտների ստեղծարարության և ստեղծագործական մտածողության առանձնահատկություններին և նպաստել դրանց գարգացմանը:

Ժամանակակից հետազոտություններում ստեղծարարության ուսումնասիրությունը ընդգրկում է անհատական տարբերությունների ուսումնասիրման, գարգացման և խնդրի լուծման գործընթացի ձևականացման ուղղություններ: Բայց միևնույն ժամանակ բացակայում է ստեղծարարության համակարգային ուսումնասիրությունը որպես գործընթաց, արդյունք և որակ:

Այսպիսով՝ ստեղծարարությունը ձևավորվում է անձի մտածողության, ինտելեկտի, անհատական առանձնահատկությունների հիման վրա, և իր դրսնորումն է ունենում նրա կյանքի և գործունեության տարբեր բնագավառներում:

Նոր նյութի բացատրության ժամանակ պետք է հաշվի առնել այն հանգամանքը, որ աշակերտը միանգամից չի կարող շատ բան սովորել: Ըստ գիտական հետազոտությունների՝ նոր նյութը բացատրելիս ուսուցիչը պետք է ուշադիր լինի, որպեսզի չգերազանցի այդ ծավալը: Ծավալը գերազանցելու դեպքում աշակերտի աշխատանքային հիշողությունը չի կարողանում հասկանալ նոր նյութը:


## **Գլուխ 2. Գործնական համատեքստ**

### **2.1. Ալգորիթմներ հորինելով սովորելու մոդել**

Ինֆորմատիկա առարկայի մեջ անհնարին է ուսուցումն առանց միջառարկայական կապերի: Հաճախակի են միջառարկայական կապեր ստեղծվում մաթեմատիկա, հայոց լեզու, բնագիտություն, կենսաբանություն, անգլերեն, կերպարվեստ առարկաների հետ: Թեմաները ինքնաբերաբար ծնում են յուրովի մտքեր, գաղափարներ, երբեմն իրենք են մեզ ուղղորդում կոնկրետ առարկաների, որտեղ ավելի նպատակային և արդյունավետ է դառնում: Շատ ավելի մեծ մոտիվացիա և թեմայի հետ նույնականացում է առաջանում, եթե աշակերտները ինարավորություն են ստանում հորինել սեփական ալգորիթմները խնդիրը լուծելու համար:

Ուսուցչի դերն այս գործընթացում փոխվում է ավանդական ուսուցիչից դառնալով երկրորդ տեղը զբաղեցնող մարզիչ: Նա աշակերտների աջակիցն է: Նա մոտիվացնում է աշակերտներին և նշում խնդրի սկզբնական դրույթը: Նկար 1-ի բոլոր հինգ գործընթացները կատարվում են աշակերտների կողմից: Անհրաժեշտության դեպքում ուսուցիչը նախաձեռնում է գործընթացները, սակայն նա ակտիվորեն չի մասնակցում լուծումների որոնմանը, փորձարկմանը և կատարելագործմանը: Այս գործընթացի համար կարևոր են լավ խնդիրները՝ ըստ տարիքի, նախկին գիտելիքների և աշակերտների փորձի:

Բացի այդ, ուսուցման գործընթացի արտացոլումն այս գործընթացի հիմնական մասն է: Հաճախ ուսանողների համար ուսումնական գործընթացն արտացոլելը նոր և տարօրինակ բան է: Այնուամենայնիվ, այս կերպ աշակերտները սովորում են հասկանալ իրենց ծրագրավորման խնդիրները:



## Վերլուծել խնդիրը

Առաջին քայլը խնդրի մասին ավելի շատ մանրամասներ իմանալն է: Այս գործընթացում աշակերտները փորձում են գտնել հիմնական խնդիրը և այն բաժանել ավելի փոքր խնդիրների:

## Լուծման գաղափարը

Այս գործընթացում աշակերտները պետք է լինեն ստեղծագործ և պետք է առաջարկեն գաղափարներ, թե ինչպես կարող են լուծել խնդիրը: Նրանք կարող են գրել իրենց գաղափարները կամ քննարկել խմբերով: Քննարկումից հետո նրանք գնահատում են իրենց գաղափարները հետևյալ ասպեկտներով:

- Ո՞ր գաղափարը կարող է առավել ճիշտ լուծել խնդիրը:
- Ո՞ր գաղափարը կարող է հեշտությամբ կյանքի կոչվել:
- Գաղափարներից որո՞նք են արդյունավետ:

## Ձևակերպել ալգորիթմը

Այս քայլում նպատակն է գրել կամ ասել խնդրի լուծման գաղափարների ճշգրիտ ձևակերպումը:

## **Ալգորիթմի ներկայացում**

Ալգորիթմը ներկայացնելու հիմնական նպատակն է պարզել, թե արդյոք այն աշխատում է ընդհանրապես և որքանով է այն աշխատում: Այս փոփոք կրթական նպատակն է սովորել, որ ոչ բոլոր գաղափարներն են գործում և զգալ ձախողումների հնարավոր աղբյուրները:

### **Ալգորիթմի արտածումը**

Ալգորիթմի արտացոլման նպատակը լուծումը բարելավելն է: Անդրադարձի արդյունքները նոր լուծելի խնդիրներ են: Այսպիսով, գործընթացը նորից սկսվում է սկզբից: Հնարավոր արտացոլման առաջադրանքներից մեկը ալգորիթմի արդյունավետությունը պարզելն է: Խմբերով սովորելիս աշակերտները շատ բան են սովորում այլ աշակերտներից և նրանց գաղափարներից: Ավելին, ուսուցչի մոտիվացիան և օգնությունը օգնում են աշակերտներին առաջադիմել իրենց ուսումնական գործընթացում:

## **ԴԱՍԻ ՊԼԱՆԱՎՈՐՈՒՄ**

**Առարկա՝ Ինֆորմատիկա**

**Դասարան՝**

**Դասի թեման՝ Ալգորիթմները առօրյա կյանքում**

**Տևողությունը՝ 45 րոպե**

**Անհրաժեշտ նյութեր՝** համակարգիչ, պրոյեկտոր, գրատախտակ, քանոն, գիրք, տետր

**Դասի տեսակը՝** ինտեգրված դաս

**Արդյունավետ մեթոդ՝** Պրոբլեմային ուսուցում

**Դասի նպատակը՝** Զարգացնել հմտություններ, որոնք կնպաստեն ստեղծել նախատիպեր, որոնք օգտագործում են ալգորիթմներ հաշվարկային խնդիրներ լուծելու համար՝ հիմնվելով աշակերտի նախնական գիտելիքների և անձնական հետաքրքրությունների վրա:

**Դասի ընթացքը**

Խթանում Աշակերտների միջոցով վեր հանել նախորդ դասերին

սովորածները, մասնավորաբար <<Մտավոր գրոհ>> մեթոդի

կրառմամբ:

1. Կարո՞ղ եք թվարկել գործողությունների հաջորդականություն, որը դուք հաճախակի կատարում եք ձեր առօրյա կյանքում:

2. Այդ գործողությունները ինչպե՞ս են կատարվում

3. Ի՞նչ տեղի կունենա, եթե դուք ձեր թվարկած գործողությունների

հաջորդականությունը խախտեք:

4. Առաջադրանքների համար տրվում է ժամանակ, որից հետո, ուսուցիչը շրջում է դասարանում և դիտարկում կատարելով, վեր է հանում սխալներն ու ճիշտ մոտեցումները: Ավելի ակնառու և պատկերավոր լինելու համար ուսուցիչը թողարկում է Smartdraw ծրագիրը, և տեղում կառուցելով հանձնարարված վարժությունները:


## Առաջադրանք 1

### Բաժակների խնդիր


Քայլ 1: Վերցնել 2 տարբեր հեղուկներով լի բաժակներ՝ հյութ (A) եւ թեյ (B)




Քայլ 2: Վերցնել լրացուցիչ երրորդ դատարկ բաժակ




Քայլ 3: Հյութը (A) լցնել դատարկ (C) բաժակի մեջ




Քայլ 4: Թեյը (B) լցնել հյութի (A) բաժակի մեջ (արդեն դատարկ է)



Քայլ 5: C բաժակի մեջ եղած հյութը լցնել թեյի B բաժակի մեջ:



Քայլ 6: Ցուցադրել արդյունքը



<b>Քայլ</b>	<b>Գործողություն</b>
1.	Չափել ուղանկյուն հողամասի ա և բ կողմերի երկարությունները
2.	Հաշվել պարագիծ $P = 2 \times (a + b)$
3.	Հաշվել մակերեսը $S = a \times b$
4.	Ներկայացնել ստացված արդյունքը

Կշռադատում՝ Յուրաքանչյուր աշակերտի հանձնարարել տեղում գծել բլոկ-սխեմաները, այնուհետև Smartdraw ծրագրի օգնությամբ ցուցադրել ճիշտ գծապատկերները, որպեսզի աշակերտները կատարեն համեմատություն իրենց աշխատանքների հետ:

Գնահատում՝ Դասին առավել ակտիվ աշակերտներին գնահատել:

Առնվազն 3-4 աշակերտ:

Տնային հանձնարարություն՝ Որպես տնային առաջադրանք՝

հանձնարարել վարժություններ դասագործից:

## ԵԶՐԱԿԱՑՈՒԹՅՈՒՆ

Հիմնվելով հետազոտության արդյունքների վրա՝ կարելի է փաստել, որ աշակերտների ստեղծագործական մտքի և առանձնահատուկ կարողությունների բացահայտման համար կարևոր դեր ունի ուսուցչի կողմից ստեղծարարությանն զարգացմանն ուղղված մեթոդներն ու միջոցները:

Ինչպես ցուց տվեցին հետազոտության արդյունքները, որպեսզի աշակերտները ունենան մնայուն գիտելիքներ, պետք է ուսուցանվող նյութը կրկնելու, ամրապնդելու, կիրառելու, կապակցելու հնարավորություններ ընձեռվեն: Ընդ որում՝ դա պետք է արվի կանոնավոր և շարունակական ձևով: Այլ կերպ ասած՝ պետք է կարևորել ոչ միայն ուսումնական ծրագրի ընդգրկումը, այլև խորությունը:

Դրա համար շատ կարևոր է սովորողների մեջ բացահայտել նրանց ստեղծարար, ինտելեկտուալ օժտվածությունը: Այն միշտ չէ, որ նկատվում և բացահայտվում է ուսուցիչների կողմից:

Հետազոտության շրջանակում փորձ է արվել գնահատել սովորողների հետաքրքրությունները, սովորելու մոտիվացիան և անդրադարձ է արվել գործընթացի բոլոր կետերին՝ փորձելով գնահատել յուրաքանչյուրի արդյունավետությունը և վերհանել հանդիպող խնդիրները:

Վերլուծելով ստացված տվյալները՝ կարելի է փաստել, որ դպրոցահասակ երեխաների մոտ ստեղծարարության զարգացմանն ուղղված մոտեցումներն ու մեթոդները սովորողներին հնարավորություն են տալիս իրենց կարողությունները լիովին և ազատորենօգտագործել ուսումնական գործընթացում:

Ժամանակակից աշխարհում կրթական համակարգը ավելի լավը, հետաքրքրական դարձնելու համար ուսուցիչներս մոտիվացիայի տարբեր միջոցներ ենք փնտրում սովորողների համար՝ զարգացնելու նրանց ստեղծագործական միտքը, ձևավորելու անհատական ճաշակը և բացահայտելու նրանց առանձնահատուկ կարողությունները: Սակայն երբեմն բախվում ենք անարդյունավետ միջոցների հետ, քանի որ դրանց լուծման համար կատարվում է մակերեսային կամ ոչ մասնագիտական մոտեցում:

Ինտերակտիվ մոտեցումներն անհրաժեշտ են աշակերտներին մոտիվացնելու, ուսուցումը հետաքրքիր ու մասնակցային դարձնելու համար: Բայց այդ ամենը չեն բացառում նաև ավանդական մոտեցումների օգտագործումը: Հարց ու պատասխանը, նյութը վերհիշելը, վարժանքները, ուսուցչի բացատրական խոսքը այսօր էլ կարևոր են ու անհրաժեշտ ուսուցման համար: Բացի այդ՝ ինտերակտիվ ուսուցումն ունի որոշակի ռիսկեր, որոնք անտեսել չի կարելի:*Հետևաբար՝ նոր մանկավարժության մեջ չպետք է լինեն մեթոդների և հնարների հակադրում:* Բոլոր մեթոդներն ու հնարները ինչ-որ իրավիճակում կարող են օգտակար լինել:*Յուրաքանչյուր դաս, յուրաքանչյուր դասարան տարբեր է:* Մեկ դասարանում աշխատող մոտեցումը կարող է մի այլ դասարանում չաշխատել:

## **ԳՐԱԿԱՆՈՒԹՅՈՒՆ**

1. Դ.Հայրապետյան.-Եր: 2007 Ստեղծարարության զարգացման և անձնային առանձնահատկությունների դրսուրման օրինաչափությունները ԺՇ. 00.01-
2. «Հոգեբանության տեսություն և պատմություն» մասնագիտությամբ հոգեբանական գիտությունների թեկնածուի գիտական աստիճանի ատենախոսության սեղմագիր
3. Ռ.Նաղյյան /Անձի հոգեբանության տեսական և կիրառական հարցեր (գիտական Ա597 հոդվածների ժողովածու)/.- Եր.: «Ասողիկ» հրատ., 2016.- 280 էջ: Ս. Խաչիբաբյան. Ստեղծարարության զարգացման գործոնները կրտսեր դպրոցական տարիքում. էջ 61
4. Ս. Խաչատրյան /Ռևոլյուման արդյունավետ հնարներ/.- Եր.: Ֆրիդրիխ Էբերտ հիմնադրամ, Հայաստան 2020.- 74 էջ
5. Ս.Պողոսյան /Ստեղծարարության դրսուրման օրինաչափությունները դեռահասի ուսումնական գործընթացում/.-Եր.: ԺՇ. 00.01 «Ընդհանուր հոգեբանություն, հոգեբանության տեսություն և պատմություն, անձի հոգեբանություն» մասնագիտությամբ հոգեբանական գիտությունների թեկնածուի գիտական աստիճանի հայցման ատենախոսության սեղմագիր:
6. Ахо А., Хопкрофт Дж., Ульман Дж., Построение и анализ вычислительных алгоритмов. М.: Мир, 1979, 362 с.
7. Грэхем Р., Кнут Д., Паташник О., КонкRETная математика. Основание информатики: Пер. с англ. М.: Мир, 1998, 703 с.